

**ՆՈՐ ՆՅՈՒԹԵՐ ԹՈՒՄԱՆՅԱՆԻ ՇՐՋԱՆԻ ՊԱՏՄԱԿԱՆ
ՀՈՒՇԱՐՁԱՆՆԵՐԻ ՎԵՐԱԹԵՐՅԱԼ**

Ա. Ա. ՔԱԼԱՆԹԱՐՅԱՆ

1969 թ. հուլիսին հուշարձանների վերականգնման հատուկ գիտաարտա-
դրական արվեստանոցի արշավախումբը հետազոտական աշխատանքներ կա-
տարեց Թումանյանի շրջանում: Արշավախումբը ուսումնասիրեց շուրջ 75 հու-
շարձան և կազմեց Դսեղ, Չկալով, Մարց, Լորուտ, Շամուտ, Աթան, Ահնիձոր
դյուզերի շրջապատում գտնվող հուշարձանների արձանագրերը (նյութերը
պահպանվում են ՀՍՍՀ պետշինի հուշարձանների պահպանության և վերա-
կանգնման վարչությունում):

Թումանյանի շրջանը պատմա-ճարտարապետական հուշարձանների հա-
րըստությամբ մեր հանրապետությունում առաջնակարգ տեղ է գրավում:
Դեռևս մ. թ. ա. երկրորդ հազարամյակում շրջանի տարածքը խիստ բնակեց-
ված է եղել: Այդ շրջանից պահպանվել են ամրոցներ, բնակավայրեր, դամ-
բարանադաշտեր և այլ հուշարձաններ, որոնց մի մասը պեղվել են և տվել
հնագիտական հարուստ նյութեր:


Միջին դարերում Գուգարքը մտնում էր Կյուրիկյան թագավորության մեջ,
իսկ հետագայում այն անցնում է Զաքարյաններին: Այդ շրջանում կառուցվել
են ճարտարապետական եզակի կոթողներ, վանական համալիրներ, ամրոց-
ներ, եկեղեցիներ և կամուրջներ (Հաղբատ, Սանահին, Ախթալա, Քոբայր և
այլն):

XI—XII դդ. Լոռիում հաստատվում է Մամիկոնյան նախարարական տան
մի ճյուղը, որը բուռն շինարարական գործունեություն է ծավալում: Նրա
ենթակայության տակ էր գտնվում ներկայիս Դսեղի և Մարցի ձորի ողջ տա-
րածքը, որտեղ և պահպանվել են շինարարական և նվիրատվական բազմա-
թիվ արձանագրություններ, կառույցներ և այլ հուշարձաններ (բարձրաքաշ
ս. Գրիգոր վանքը, Իգատակի եկեղեցին և այլն):

Արշավախմբի հետախուզած հուշարձանները հիմնականում բաժանվում
են երեք խմբի. ա) Բրնզեդարյան հուշարձաններ (ամրոցներ, առանձին կա-
ռույցներ, դամբարանադաշտեր): բ) Միջնադարյան հուշարձաններ՝ X—XIII դդ.
(համալիրներ, խաչքարեր, գյուղատեղիներ): գ) Ուշ միջնադարյան հուշար-
ձաններ՝ XIV—XVII դդ. (գյուղատեղիներ, գերեզմանոցներ, խաչքարեր և
այլն):

Հնագույն բրնզեդարյան բնակավայր հանդիպեց Լորուտ գյուղում: Մի
քանի տարի առաջ, կաթի գործարանի շինարարության ժամանակ, պատա-
հականորեն բացվել էին դամբարաններ, որոնք ոչնչացվել էին շինարարների
կողմից: Տեղում պարզվեց, որ նյութերի (կավանոթներ) մի շնչին մասը
գտնվում է Թումանյան բանավանի թանգարանում և Լորուտի դպրոցում:
Դամբարանադաշտի կտրվածքը ցույց տվեց, որ այն բազմաշերտ է և թվա-

գրվում է մ. թ. ա. 3-րդ հազարամյակի սկզբով, 1-ին հազարամյակի կեսերով: Հայտնաբերված իրերի մեջ մեծ քանակություն են կազմում սև, փայլեցրած կավանոթների բեկորները՝ ոլորածև զարդերով, յուրահատուկ կանթերով և կետազարդերով, որոնք թվագրվում են վաղ բրոնզի ժամանակաշրջանով: Խիստ հետաքրքրական են կավե անոթների թրծման համար պատրաստված կլոր հնոցները, որոնց մնացորդները տեղում պահպանվել են:




Նկ. 1

Դամբարանադաշտը գտնվում է գետի աջ ափին, մի բարձրադիր բլրի վրա: Տեղում բնակավայրի հետքեր չկան, սակայն մոտ 300 մ դեպի հյուսիս, մի առանձին բլրի վրա պահպանվել են շինության հիմնապատեր (շափագրված է), որը, ամենայն հավանականությամբ, սրբատեղի է (Նկ. 1): Դամբարանադաշտի թույլ են տալիս այն թվագրել 2-րդ հազարամյակի վերջով: Դամբարանադաշտի դիմաց, Ահնիձոր տանող ճանապարհին, պահպանվել են ուղղանկյուն հատակագիծ ունեցող, մեծածավալ քարերից շարված կացարանների հետքեր, որոնք նույնպես նույն շրջանին են պատկանում (ռեգիստրացիոն շափագրությունները պահպանվում են հուշարձանների պահպանության և վերականգնման վարչությունում):

Լորուտ գյուղի շրջապատը ընդհանրապես հարուստ է բրոնզեդարյան դամբարաններով: Գյուղի մեջ և «Դարբնանց» ու «Ջոմնի դաշ» կոչված վայրերում ցայտուն ուրվագծվում են դամբարանները, որոնց արտաքին հետքերը կամաց-կամաց անհետանում են: Գյուղից մոտ 15 կմ հեռու՝ Վնազար դաղձ կոչված վայրում (2400 մ բարձրության վրա) պարզորոշ նկատվում են կրոն-լեխների հետքեր: Նույն շրջանի հետաքրքիր նյութեր են հայտնաբերվել Մարցում, Դսեղում:

Կիկլոպյան մի հետաքրքիր ամրոց գտնվում է Շամուտ գյուղի մոտ, բլրի վրա: Միջին դարերում այն օգտագործվել է. նրա վրա կան մատուռի և գերեզմանոցի հետքեր: Քննությունը ցույց տվեց, որ տեղում առկա են պարսպի մնացորդներ: Բլրի ստորին մասում հայտնաբերվեց փայլեցված զարդերով մոխրագույն խեցեղեն:

Միջնադարյան հուշարձանները բաժանվում են մի քանի խմբերի: Դրանց մեջ են մտնում ճարտարապետական առանձին կոմպլեքսներ (եկեղեցիներ, մատուռներ, տնտեսական և աշխարհիկ առանձին շինություններ), գյուղատեղիներ, գերեզմանոցներ և այլն:



Նկ. 2

Մամիկոնյանների վերջին շառավիղների շինարարական լայն գործունեության մասին են խոսում Դսեղ և Մարց գյուղերի շրջապատի հուշարձանները: XII դ. սկզբներին Մամիկոնյան Մարծպան իշխանը և նրա որդի Գրիգորը իրենց նախաձեռնությամբ կառուցում են բարձրաքաղ ս. Գրիգոր վանքը (Դսեղում), որով ամբողջանում է համալիրը: X դ. հավանաբար կառուցվել էր վանքի փոքր եկեղեցին, որը թաղակապ միանալով շինություն է՝ շարված անտաշ որձաքարերով: 1221 թ. Մարծպան իշխանը նրա հարավային կողմից կառուցում է մի մեծ եկեղեցի (ս. Աստվածածին), որը միջնադարյան կառուցողական արվեստի խոշոր հաջողություններից է: 1259 թ. Մարծպանի որդին՝ Գրիգորը, Աստվածածին եկեղեցուց հարավ կառուցել է առաջին մի հոյակապ գավիթ: Հուշարձանը ներքուստ և արտաքուստ ունի ճոխ հարդարանք և բաղմամբիվ արձանագրություններ (շինարարական-կառուցողական, նվիրատվական և այլն): Վանքի շուրջը գերեզմանոց է՝ XIII—XIV դդ. հիանալի խաչքարերով և տնտեսական (ձիթհան) ու բնակելի շինություններով:

Ժամանակի ընթացքում կոմպլեքսը խարխլվել է, փլվել են բոլոր ծածկերը, պատերը թեքվել են դուրս և փլուզման վտանգի տակ են: Նույնիսկ մասնակի մաքրման աշխատանքները, որ կատարվել են 1969 թ. ամռանը, հիմքերը չխախտելու համար հարկադրված դադարեցվել են¹:

Այդ շրջանում կառուցված հուշարձաններից են նաև Դսեղ գյուղի բազիլիկան (VI—VII դդ., վերակառուցվել է XIII դ., ներկայումս այն վերածվել է լոռու ազգագրական թանգարանի), փոքր մատուռը և Մարց գյուղի հուշարձանների մի մասը:


Մարց գյուղի Իգատակի եկեղեցին կառուցվել է 1255 թ., Մամիկոնյանների կողմից, Իգատակում պահպանվել են կառույցների, մի քանի գերեզմանոցների մնացորդներ, խաչքարեր և այլ հուշարձաններ, որոնք թույլ են տալիս ասելու, որ գյուղատեղին եղել է Հյուսիսային Հայաստանի խոշոր բնակավայրերից մեկը:

Մարցի շրջապատում կան հուշարձաններ, որոնք գեղարվեստական տեսակետից մեծ նշանակություն ունեն: «Ծգնավորի խաչ» կոչված վայրում կանգնեցված է պատվանդանով մի խաչքար, որն իր զարդամոտիվներով, պատկերներով և ճակատի արձանագրություններով Դսեղ գյուղի հանրահայտ «Խաչելութուն» խաչքարի կրկնությունն է: Խաչքարը կանգնեցվել է 1285 թ., Դսեղի խաչքարից չորս տարի հետո և քանդակվել է նույն վարպետի կողմից: Ինչպես հայտնի է, Դսեղի խաչքարի վարպետն է Վահրամը, որի արձանագրությունը պահպանվել է խաչքարի պատվանդանի հյուսիսային կողմում: Այդ հիանալի քարգործ վարպետի ձեռքի աշխատանքն են մի շարք խաչքարեր՝ Դսեղի և Մարցի շրջակայքում:

«Ծգնավորի խաչը» ժամանակին եղել է խոշոր գյուղատեղի: Մինչև այժմ տեղում պարզորոշ նկատվում են բնակարանների և նույնիսկ փողոցների հետքեր: Եղել է և եկեղեցի, որի հետքերը պարզորոշ նկատվում են «Խաչելութուն» խաչքարի դիմաց: Գերեզմանոցի խաչքարերն ունեն արձանագրություններ, որոնցից ամենահինը թվագրվում է 1170 թ.:


Մարց գյուղի շրջապատի խոշոր բնակավայրերից է «Մոտկոր» գյուղատեղին, որը գտնվում է Լորուտ տանող ճանապարհի աջ մասում, անտառի մեջ: Գյուղատեղին, հավանաբար, հիմնվել է XI—XII դդ. և գոյատևել է մինչև XVII—XVIII դդ.: Հիանալի կամուրջ է պահպանվել Մարց գետի վրա («Մոտկորի կամուրջ»), որն ունի բնական ժայռի ձևով կենտրոնական խել: Կամրջի թուխքները քանդված են, բայց հենակները կան, որոնք շարված են կանոնավոր տաշված քարերով (նկ. 3): Կամրջից սկսվել է ուղիղ ճանապարհ դեպի նույնանուն գյուղատեղին: Գյուղատեղին լքվել է հանկարծակի, որովհետև տները մնացել են շատ կանոնավոր (քանդված վիճակում), պարզորոշ նկատվում են փողոցները: Գյուղատեղիում, բարձունքի վրա նկատվում են մատուռի հետքեր: Բնակավայրն ունեցել է մի քանի գերեզմանոց, որոնցից մեկը XII—XIII դդ. է: Տեղում պահպանվել են խաչքարեր. դրանցից մեկը «Թևավոր» խաչ է (աղ. 1, 1):

¹ 1969 թ. Հովհ. Թումանյանի 100-ամյա հոբելյանի կապակցությամբ Դսեղ գյուղի հուշարձանների մաքրման և վերականգնման մեծ աշխատանքներ տարվեցին: Բարձրաքաշ ս. Գրիգոր վանքում մաքրվեց գավիթը, որի ընթացքում հայտնաբերվեցին ճարտարապետական մանրամասներ, արձանագրություններ, հիսաքանչ քանդակներ և այլն (նկ. 2, 1—4):



Աղյուսակ I

«Թեաւոր» խաչերը շատ տարածված են եղել Հյուսիսային Հայաստանում: Դրանք պատրաստվում էին ամբողջական զանգվածից: «Թեաւոր» խաչի ինքնատիպ մի օրինակ պահպանվել է Շամոտ գյուղի մոտ («Թեաւոր բնմ»), որի վրա կա Հաղրատի հիշատակությամբ արձանագրություն (աղ. I, 2), Կանգնեցման թվականը եղծված է: Նույնպիսի խաչեր (3 հատ) կան Աթան



Նկ. 3

գյուղում՝ «Շահնարբեկ» գյուղատեղիում, մեկը՝ մատուռի արևելյան պատի մեջ ագուցված: «Թեաւոր» խաչերը խիստ ուշագրավ են հայկական մեմորիալ հուշարձանների ուսումնասիրության տեսակետից: Դրանց քաղմաթիվ նմուշները հանդիպում են Շահնազար, Կարմիր Աղեգի, Քորեր, Յազգան և այլ գյուղերում:

Արշավախմբի արդյունքները գոհացուցիչ էին: Հուշարձանների պահպանության և վերականգնման վարչության ցուցակներում ավելացվեց շուրջ 40 հուշարձան և կազմվեցին դրանց անձնագրերը: Ռեգիստրացիոն չափագրություններ կատարվեցին Իգատակում, Ահնիժորում, Աթանում և այլուր, շուրջ 8 հուշարձաններում: Արշավախումբը հավաքեց նաև արձանագրություններ: Ահա դրանցից երկուսը:

1. ԵՍ ԳՐԻԳՈՐԻ ՈՐԴԻ ՄԱ-
ՐԾՊԱՆԱ, ԹՈՂԻ ԶԱ-
ԳԱԴԱԿՈ ՋՈՐՈՑՍ Զ-
ԱՐԳԱՆՆ ԻՄ ՀԱԻՐՆ
ՀՈԳՈՑՆ, ԱԶԳԷ ՑԱ-
ԶԳ ԱԻԱԳԻՆ ԱՐԵՒՈ-
ՎՆ ԱՅՍ ԱՆԽԱՓԱՆ է:

ՇԱՀՈՒՏՍ ՋԽԱԶՍ ԿԱՆ-
ԳՆԵՑԻ. ԶՄԵԶ ՅԻՇ-
ԵՅԷՔ ՎՆ ՔԻ. ԱՌԱՋՆ-
ՈՐԴ ՇԱՀՈՒՏՆ ԷՐ
ԱՄԵՆԻ ՈՎ ԽԱՓԱՆԷ,
ՆԱ ՆՋՈՎԻ. ԱՄԵՆ: (աղ. I, 3)
ԹԻԱԿ[ԱՆՈՒԹԵԱՆ], ՈՁԵ:

2. Ի Թ[ՈՒԱԿԱՆՈՒԹԵԱՆ], Հ[ԱՅՈՅ], ՈԺԹ, ՅԱՆՈՒՆ

ԱՅ ԱՅՍ ԻՄ ԳԻՐ Է ԹԱՃ-
 ՐԻՍ, ՈՐ ՏՎԻ ԻՄ ԲԱ-
 ԺՆ ԱՅԳԵՂԻՍ ԴԵՂԾ-
 ՈՒՏԻՍ, ՈՐ ԱՅԼ ԱՐԳԵ-
 Ն ԶԱՌՈՒ ՈՉ ՈՎ
 ԹԷ ԻՄ ԶԱԻԱԿԻ ՏԱ-
 Մ, ԹԷ ԻՄ ՅՈԳՈՅՍ Տ-
 ԱՄ, ԱՅՍ ԱՅԼ ԽԱՓԱՆԻ
 ՈՉ ՈՎ ՈՐ ԽԱՓԱՆԵԼ ԶԱ-
 ՆԱՅ Ի ՅԻՄ ՀՈՂՔՆ ՍԵՎ-
 ԵՐԵՍԱԻՔ ԳԱՅ, ՈՒ Ի,
 ՅԺԸ, ՀԱՅՐԱՊԵՏ-
 ԱՅՆ ՆՁՈՎԵԱԼ ԵՂԻՑ-
 Ի, ԵԻ ՄԱՍՆ ՆՈՐԱՅ ԸՆԴ
 ՅՈՒԴԱՅԻ, ԵԻ ԸՆԴ Խ-
 ԱԶԱՀԱՆՈՒԱԾ
 ԵՂԻՑԻ, ԵԻ ՄԵՔ Յ-
 ԱՍՏԱՏԵՑԱՔ Ի Տ-

ԱՐ[ՈՒ]
 Մն...
 ԱԻՐ Վ-
 ԵՅԿԷ Կ-
 ՈՌ, ՔՍ
 ԱՍ ԶԹ.
 ԱՃԵՐԻ-
 Ն ՅԱՆՑ-
 ԱՆՔՆ
 ԹՈՂՈ-
 Ի, ՈՐ Ե-
 ԹՈՂ Զ-
 ՄԵՐ Ա-
 ԲԳԱ-
 ՆՍ, Զ-
 ԱՄԵ-
 Ն,

(աղ. I, 4)

Առաջին արձանագրությունը Իդատակից է՝ մի խաչքարի վրա, որը գտնվել է 1957 թ. հողային աշխատանքների ժամանակ, Թվականը՝ 1236, դրոշմված է խաչքարի մյուս երեսին՝ խաչի տակ:

«Իգատակ» տեղանվան հիշատակությունը «Ագադակ» ձևով հետաքրքիր է տեղանունների ստուգաբանության առումով: Նույն «Ագադակը» հանդիպում է նաև Դսեղի ս. Գրիգոր վանքի գավթի ներսի արձանագրություններից մեկում, մի շարք բնակավայրերի անվանումների հետ միասին: «Ագադակը» նույն «Այգետակի» ոճավորված ձևն է, որն ուշ շրջանում հանդես է գալիս «Իգատակ» ձևով (տեղական բարբառով՝ «Իքատակ»): Տեղանուններին նման փոփոխությունները նկատվում են նույն շրջանում: Օրինակ, Այգեհատ գյուղը կոչվել է նաև Իգահատ:

Արձանագրություններում հիշատակվող «աբգանը» ջրի հարկ է²:

Երկրորդ արձանագրությունը դրոշմված է «Ճգնավորի խաչ» գյուղատեղիի խաչքարերից մեկի մեջքին և հարավային կողմին: Խաչքարը համեմատաբար փոքր է, ունի շատ պարզ տեսք և զարդեր: Արձանագրությունը 1170 թ. է և խիստ հետաքրքրություն է ներկայացնում վիմագրական և տեքստաբանական տեսակետից:

Երկու արձանագրություններն էլ անհայտ են ուսումնասիրողներին և հրատարակվում են առաջին անգամ:

² Շնյուբեր Հայաստանի գյուղատնտեսության և գյուղացիության պատմության, Երևան, 1964:

НОВЫЕ МАТЕРИАЛЫ ОБ ИСТОРИЧЕСКИХ ПАМЯТНИКАХ ТУМАНЯНСКОГО РАЙОНА

А. А. КАЛАНГАРЯН

Резюме

Летом 1969 г. экспедиция специальной научно-реставрационной мастерской побывала в Северной Армении, в малоизученном Марцском ущелье Туманянского района. Экспедиция выявила ряд археологических и историко-архитектурных памятников, датируемых с раннебронзовой эпохи до позднего средневековья.

Особенно интересные материалы обнаружены при осмотре средневековых селищ и поселений — хачкары, надгробные камни, строения, лапидарные надписи и т. д.

Все памятники и материалы подвергнуты научной документации, сфотографированы и сданы для хранения в архив Управления по реставрации и охране памятников при Госстрое Армянской ССР.